

Kalaallit Nunaanni piffissaq qasuersaarfissaq aamma ulloq unnuarlu sulinngiffeqarneq pillugit nalunaarut

Kalaallit Nunaanni piffissaq qasuersaarfissaq aamma ulloq unnuarlu sulinngiffeqarneq pillugit nalunaarut Kalaallit Nunaanni sullivinni avatangiisit pillugit inatsimmi, tak. inatsimmik nalunaarut nr.1048, 26. oktober 2005-imeersoq, § 3a, §§ 40-45c aamma § 67 naapertorlugin aalajangersarneqarput:

Kapitali 1

Atuuffi

§ 1. Nalunaarummi pineqarpoq sulisitsisumi suliaqarnerni inunniq 18-inik ukioqalereersunik sulisoqartarneq.

§ 2. Nalunaarut atortuutinnejassanngilaq sulinernut, sulisorisap angerlarsimaffiani, inuup ilaqtariinni paaqqinnittussani najugaqarfigasaani, ulloq unnuarlu paaqqinninnertut ingerlanneqartussanut,
1) sulisuusoq nammineq piffissamik suliffissamik aaqqissuussissatillugu, imaluunniit
2) piffissaq suliffissaq sulinerup ingerlanneqarnerani pissutsit immikkut ittut kingunerisaattut uuttorneqarsinnaananiluunniit siumut aalajangersarneqarsinnaatinnagu.

§ 3. Piffissaq suliffissaq aaqqissuunneqassaaq taamaalilluni sulisuuusut nal. akunnerisa 24-t ingerlanerini minnerpaamik nal. akunnerini 11-ni ataannartumik qasuersaarfissaqartussanngorlugit.

§ 4. Ullut unnuallu arfineq-marluk tamarmik immikkut ingerlanerini sulisuuusut sapaatit akunneranoortumik ullormik unnuamillu ataatsimik sulinngiffeqarneqartitaassapput ullormut qasuersaarfissaatitaasumut uiggiunneqarsinnaasumik. Sapaatit akunneranoortumik ulloq unnuarlu sulinngiffeqarneq sapinngisamik pitinniarneqartassaaq sapaatini ajornartinnagulu tamanut ataatsikkut sullivimmi sulisorineqartunut.

Imm. 2. Imm. 1-imi oqaaseqatigiit aappaanni malittarisassaq atutissanngilaq nunalerinermut, naatitsiveqarnernut, aallaaniarnermut piniarnermullu.

§ 5. § 3 aamma § 4 sanequnneqarsinnaapput pisariaqartitsineq naapertorlugu, pinngortitap pissusii, ajunaarnerit, maskiinaajarnerit assigisaattulluunniit ilimageriinngisatut pisut sullivimmik pissusissaatoortumik ingerlatsinermut akornusiippata imaluunniit akornusiisimappata. Sanioqqutsineq nakkutilliinermut allattaavinnut allatulluunniit uppermarsaatissatut allanneqartassaaq.

§ 6. Inuit qullersatut atorfillit § 3-mi aamma § 4-mi aalajangersakkani pineqartunut ilaatinneqassapput,
1) siulersuisusutut sulinerinnarnik imaluunniit pingarnerusumik taamatut ingerlatsisuussanngippata,
aamma piffissap suliffissap tungaatigut siulersugassaminnik malinnaaffiginninnissaq
pisussaaffigissanngippassuk, imaluunniit nikittaattumik sulinissatut aalajangersariikkat
malinnaaffiginissaat pisussaaffigissanngippassuk, imaluunniit
2) immikkut ilisimasaqarneq pissutsilluunniit tamatumunnga assingusut pissutigalugit suleriaatsit
aalajangersimasut nalunaarummut ilanngussami pineqartut, iluanni immikkut
atorfeqartitaassanngikkunik.

§ 7. Suleriaatsit nalunaarummut ilanngussami pineqartut iluanni § 3 aamma § 4 saneqqunneqarsinnaapput
piiffisanut qasuersaarfissanut ataasiakkaanut imaluunniit ullunut unnuanullu sulinngiffeqarfissanut
ataasiakkaanut tunngatillugu § 32 malillugu piiffissaq eqqorlugu immikkut
akuersisitsiniaasoqarsinnaanngippat, aamma
1) suliamik ingerlatsineq suussusia naapertorlugu kinguartikkallarneqarsinnaanngippat, imaluunniit
2) suleriaatsit immikkut ittut saneqqutsinissaq pisariaqartippassuk.

§ 8. Piiffissaq ullormut qasuersaarfissaq nal. akunnerinut 8-nut sivikillineqarsinnaavoq
1) sullivinni, nikittaattunik sulisoqarluni ingerlatsisuni, sulisut nikittaatsinnerisigut, suleqatigiiaat ataatsit
suliaminnik nammassinnereerneratigut suleqatigiillu allat sulinermi aallartinnerisa akornanni piiffissaq
qasuersaarfissaq pitinneqarsinnaatinnagu,
2) nunalerinermik suliaqarnerni aamma ukiumi ilivitsumi (qaammatisiutit ukiuanni) ullut 30-t tikillugit
aallaaniartarnerni piniaqartarnernilu,
3) sulliviit ukumoortumik naatsorsusuusiorlutillu kisitsineranni imaluunniit akikilliliineranni, annerpaamilli
ukiumi ilivitsumi ataatsimi 14-riartumik,
4) juulliaraq ullunik 14-inik sioqqullugu quersuarni pisiniarfinnilu ulluni kingullerni sulinerni,
5) piiffissami 1. maj-imii 1. oktober-imut aalisakkanik tunioraaruttulerfiup nalaani aalisakkerivinni
sulinerni, aamma
6) aputajaaneq, aamma
7) piiffissaq angalaffik, ataannartumik nal. akunneri 8 sinnerlugit sivisussusilik.
Imm. 2. Suleriaatsit nalunaarummut ilanngussami pineqartut iluanni piiffissaq ullormut qasuersaarfissaq
nal. akunnerinut 8-nut sivikillineqarsinnaavoq ataatsimiinnernik, kulturikkut aaqqissuussinernik
assigisaannillu sulanut atasumik ingerlatsisoqassatillugu, nalinginnaasumik ulluunerani
ingerlanneqartartunik, kisianni pingartumik inunnut allanut attaveqarfiginninnissaq unnuKKuunerani
pisariaqartinneqartillugu. Piiffissamik qasuersaarfissamik sivikillilerineq pisuni taama ittuni annerpaamik
pisarsinnaavoq ukiumi ilivitsumi ataatsimi annerpaamik 20-riarluni.

§ 9. Usilersuineq usingiaanerlu, aalajangersumik atorfinititsaangitsunik sulisoqarnerulluni
ingerlanneqartussat, aamma tamatumunnga attuumassutilittut pisarialinnik suliaqarnerit, soorlu
nioqqutissaasivinni quersuarnilu sulineq, § 2-mi aamma § 8, imm. 1, nr. 1-im 2-milu pineqannigillat.
Taamatut suliaqarnerni qaangiuttoortoqassappat, nikittaattunik sulisoqarluni sulineq aamma nunagi-sami
namminermi angallatit uteqattaartumik angallassisut, rutebådit, pinnagit, qaangiuttoornerit

naammassinerannit minnerpaamik nal. akunnerini 9-ni ataannartumik qasuersaarfissaqartitsisoqassaaq, sulisut pineqartut suleqqilersinnagit.

§ 10. Inunniq, uumasunik naasunillu paarsinermik suliaqarnerni aamma nunalerinermik suliaqarnerni, aallaaniarnerni piniarnernilu aamma naliliutit piuinnartinnissaannut pisariaqartinnejartumik suliaqarnerni sapaatit akunneranoortumik ulloq unnuarlut sulinngiffeqarfissaq kinguartikkallarneqarsinnaavoq kingusinnerusukkullu taamaaqataanik taarserneqarluni suliat nalunaarummut ilanngussami pineqartunut ilaattilugit.

Imm. 2. Taamaattorli ullut unnuallu sulinngiffeqarfissat marluk akornanni ullut unnuallu 12-init amerlanerussanngillat. Aammattaaq ullut unnuallu sulinngiffeqarfissat sapinngisamik ataannartunngorlugit inissinniarneqartassapput sulinngiffeqarfissarlu ataaseq ulluunerani qasuersaarfissamut uiggiunniarneqartassaaq.

§ 11. Sulisitsisuusup suliassanik aaqqissuussineq aamma piffissamik qasuersaarfissamik annikilliliinissap annertussusia aamma ullunik unnuanillu sulinngiffeqarfissanik allannguinissaq isumannaatsuunissamut sulisullu sinniisiuinut oqaloqatiginnissutigisassavaa imaluunniit taamatut sin-niisoqanngippat sulisunut § 8, imm. 1, nr. 3-4-mi, § 8, imm. 2-mi, § 10-mi, § 15-im aamma § 16-im malittarisassat malillugit aallajangiinalersinnani.

§ 12. § 5 aamma §§ 7-10 malillugit saneqqutsisoqartillugu taarsiutitut taamatulli piffissanik qasuersaarfissaqartitsisoqartassaaq imaluunniit ullunik unnuanillu sulinngiffeqartitsisoqarluni. Taarsiutitut piffissanik qasuersaafeqartitsinissaq imaluunniit ullunik unnuanillu sulinngiffeqartitsinissaq qaqtigoortumik ajornassatillugu naleqquttunik illersuiniuteqartoqartassaaq.

Kapitali 2

Piffissaq angalaffik il. il.

§ 13. Aalajangersumik suliaqarfiusumiit allamut piffissaq angalaffik piffissatut qasuersaarfittut imaluunniit ullut unnuatullu sulinngiffissatut naatorsuunneqassanngilaq sulisuuusup suliaqarfissamut pisarnertut angalarneraniit sivisunerutinnagu.

Kapitali 3

Suleriaannaaneq aamma allatut immikkut ittumik sulisarneq

§ 14. Suliaqarfigisami suleriaannaatitaaneq piffissatut qasuersaarfittut imaluunniit ullut unnuatullu sulinngiffeqarfittut naatsorsuunneqassanngilaq.

§ 15. Suliaqarfigisap avataaniilluni suleriaannaaneq piffissatut qasuersaarfittut naatsorsuunneqassaaq. Imm. 2. Sulisuuusut suleriaannaatitaanermanni suliartoqquneqarpata piffissaq qasuersaarfik kipitinnejartutut naatsorsuunneqassaaq, suliartoqqaanermi suliatigut pisussaaffissat allaassappata imaluunniit sulisuuusoq allaasunik suliassineqassappat, aamma suleriaannaasussaaneralu angerlamut tikinnerani taamatullu taaneqartutut suliaqarunnaarnerani atuuteqqlissappat.

Imm. 3. Sulisusut imm. 2-mi taaneqartutut suliartoqquneqarpata nalunaarummut ilangussami pineqartutut suliaqarnerni piffissaq qasuersaarffissaq nal. akunnerinut 8-nut ikilisinneqassaaq imaluunniit kinguartinneqassalluni, kingullertullu taaneqartutut sulinerup naammassineranut atasumik pitinneqartussanngorlugu. Piffissamik qasuersaarffissamik ikililerineq imaluunniit kinguartitsineq sivisunerpaamik pisinnaavoq ukiumi ilivitsumi qaammatini tamani ulluni unnuanilu 10-ni sivisunerpaamillu ukiup ilivitsup ingerlanerani ulluni unnuanilu 45-ni. Sulisusup piffissaq qasuersaarffissa § 8, imm. 1, nr. 3 aamma 4 kiisalu § 8, imm. 2 malillugit annikillilerneqassappat piffisap qasuersaarffissap sivisussusissaanut inissinnissaanulluunniit periarfissaq suli ullunik unnuanillu amerlaqataannik killililiiffigineqassaaq.

§ 16. Suleriaatsini nalunaarummut ilangussami pineqartuni sapaatit akunneranoortumik ulloq unnuarlu sulinngiffeqarfissaq angerlarsimaffigisami, suliaqarfigisami allamiluunniit suleriaannaatitaanermut atatillugu allanngortinneqarsinnaassaaq. Taamaattorli ullut unnuallu sulinngiffeqarfissat marluk akornanni ullunit unnuanillu 12-init sivisunerussanani.

Imm. 2. Ullormik unnuamillu sulinngiffeqarfissamik allanngortitsinermi ullormut unnuamullu sulinngiffeqarfissamut allamut sapinngisamik atasussanngortinniarneqartassaaq imaalillugulu ulloq unnuarlu sulinngiffeqarfissaq ataaseq ullormoortumik piffissamut qasuersaarffissamut uiggutaasussanngorlugu.

§ 17. § 15, imm. 3 aamma § 16 malillugit saneqqutsisoqartillugu taamatulli taarsiissutit piffissanik qasuersaarffissaqartitsisoqartassaaq imaluunniit ullunik unnuanillu sulinngiffeqartitsisoqartassalluni. Pissutsit qaqtigooraluartumik tamanna ajornartissappassuk naleqquttumik illersuiniartoqartassaaq.

Kapitali 4

Isumaqtigiissutit

§ 18. Sulisitsisutut susassalittut illuatungiliuttussap aamma akissarsisartut kattuffiata isumaqtigiissutigisinnavaat ullormoortumik piffissaq qasuersaarffissaq killilimmik kinguartinneqarsinnaassasoq imaluunniit nal. akunnerinut 8-nut sivikillineqarsinnaassasoq.

Imm. 2. Illuatungeriit imm. 1-im taaneqartut aammattaaq isumaqtigiissutigisinnavaat suleriaannaatitaanermi piffisap qasuersaarffissap kinguartinneqarluniluunniit nal. akunnerinut 8-nut sivikillineqarsinnaanissa, aamma piffisap qasuersaarffissap suleriaannaatitaanermiissinnaanissa.

§ 19. Sulisitsisutut susassalittut illuatungiliuttussap aammalut akissarsisartut kattuffiata isumaqtigiissutigisinnavaat sapaatit akunneranoortumik ullup unnuallu sulinngiffeqarfissap allamut inissinneqarsinnaanissa. Taamaattorli ullut unnuallu sulinngiffeqarfissat marluk akornanni ullunit unnuanillu 12-init amerlanerusussaatinnagut. Ullut unnuallu sulinngiffeqarfissat aammattaaq ajornartinnagu ataannartussatut inissinneqarsinnaasariaqarput imaalillugulu ulloq unnuarlu ataaseq ulluunerani qasuersaarffimmut uiggiutaasinnaanngorlugu.

§ 20. Sulisitsisutut susassalittut illuatungiliuttussap aamma akissarsisartut kattuffiata isumaqtigiissutigisinnavaat piffissaq qasuersaarffissaq aamma ulloq unnuarlu sulinngiffeqarfissaq pillugit malittarisassat saneqqunneqarsinnaassasut §§ 18-imilu 19-imilu taaneqartuniit annertunerusumik.

Isumaqtigiissutit taama ittut aatsaat atuussinnaassapput, Sullivinnik Nakkutillisoqarfiup pisortaanit akuersissutigineqassagunik.

§ 21. Piffissaq qasuersaarfissaq aamma ulloq unnuarlu sulinngiffeqarfissaq pillugit malittarisassanik sanioqqutsinissamut najoqqutassaatitaasut, §§ 18-20-mi malittarisassat malillugit isumaqtigiissutaasinnaasut, sulisitsisutut susassaqartutut illuatungiliuttup aamma akissarsisartut kattuffiata akornanni isumaqtigiissummi aalajangersagaasimappata suliassaatitaasut ataasiakkaanut tunngatil-lugu saneqqutsinissaq imaluunniit piffissap suliffissap pilersaarusrionerani saneqqutsinissaq sullivimmi namminermi isumaqtigiissutigineqarsinnaavoq.

§ 22. Sulisisuusup sulisuusullu § 19-imu malittarisassat apeqqutaatinnagit isumaqtigiissutigisinnaavaat sapaatit akunneranoortumik ullup unnuallu sulinngiffeqarfissap allamut inissinneqarsinnaanissaa piffissamik suliffiusussamik pilersaarusrionermi imaluunniit suliassamik aalajangersimasumik aaqqissuunermi. Taamaattorli ullut unnuallu sulinngiffeqarfissat marluk akornanni ullut unnuallu 7-init amerlanerusinnaassanatik.

§ 23. Kapitalimi matumani aalajangersakkat naapertorlugit isumaqtigiissutit aatsaat atuussinnaassapput allaganngukkatut isumaqtigiissutaasimagunik.

Imm. 2. Isumaqtigiissutit, sullivimmi namminermi §§ 21-mi aamma 22-mi aalajangersakkat malillugit isumaqtigiissutaasut aamma sulliviup nakkutillinermut allattaaviinut allanneqartassapput.

§ 24. §§ 18-22-mi aalajangersakkat malillugit isumaqtigiissutit atorunnaartussanngortinneqarsinnaapput malittarisassat kattuffinnut ataatsimoortukkuutaat pillugit isumaqtigiissutinut imaluunniit suliaqarfigisanut pineqartunut tunngatillugu isumaqtigiissutinut atuuttut pillugit piffissarititaa-sumi taakkulu malillugit, allatut isumaqtigitoqarsimassanngippat.

§ 25. §§ 18-20 malillugit isumaqtigiissut, najoqqutassatut isumaqtigiissut imaluunniit § 21 malillugu sullivimmi namminermi isumaqtigiissut sullivimmi avatangiisitigut atugarisanut akuersarneqarsinnaanngitsunut tunngavissiissappat, Sullivinnik Nakkutillisoqarfiup pisortaata peqqussutigisinnaavaa atugarisat taakkua nalunaarummi piffissaq qasuersaarfissaq aamma ulloq unnuarlu sulinngiffeqarfissaq pillugit aalajangersakkanut naapertuutungortinneqassasut.

§ 26. §§ 18-22 malillugit saneqqutsisoqartillugu taamatulli taarsiissutit piffissanik qasuersaarfeqartitsisoqarlunilu ullunik unnuanillu sulinngiffeqartitsisoqartassaaq. Pissutsit qaqtigooraluartumik tamanna ajornartissappassuk naleqquttumik illersuiniartoqartassaaq.

Kapitali 5

Sulisorisap angerlarsimaffiani sulinerni immikkut ittumik atuisitsinngitsoorutissatut aalajangersakkat

§ 27. Piffissaq ullormoortumik qasuersaarfissaq Kalaallit Nunaanni sullivinni avatangiisit pillugit inatsimmi
§ 32 tunngavigalugu saneqqunneqarsinnaavoq sulisorisap angerlarsimaffiani suliaqarnerni
1) sulisorisap nammineq piffissaq suliffissaq aaqqissuutissappagu tamatumuuna ullormoortumik

2) piffissaq qasuersaarfissaq imaluunniit qasuersaarfissat,
3) piffissaq suliffissaq sulianik ingerlatsinermi pissutsit immikkut ittut kingunerisaattut uuttorneqarsinnaanngippat imaluunniit siuningaaniit aalajangersarneqarsinnaanngippat.
Imm. 2. Suleriaannaanissani kapitali 4-mi piffissaq suliffissaq pillugu malittarisassat atuutissapput.
Imm. 3. Imm. 1 atortuutinneqassanngilaq sulisorisaq piffissaq suliffissaq tamakkerlugu angerlarsimaffimmi sulisassappat.

§ 28. Sapaatit akunneranoortumik ulloq unnuarlu sulinngiffeqarfissaq Kalaallit Nunaanni sullivinni avatangiisit pillugit inatsimmi § 32 tunngavigalugu kinguartikkallarneqarsinnaavoq imaluunniit allanngortinneqarsinnaalluni sulisorisap angerlarsimaffiani suliaqarnerni
1) sulisorisap nammineq piffissaq suliffissaq aaqqissuutissappagu tamatumuuna imaluunniit,
2) piffissaq suliffissaq sulianik ingerlatsinermi pissutsit immikkut ittut kingunerisaattut uuttorneqarsinnaanngippat imaluunniit siuningaaniit aalajangersarneqarsinnaanngippat.
Imm. 2. Suleriaannaanissani kapitali 4-mi piffissaq suliffissaq pillugu malittarisassat atuutissapput.
Imm. 3. Imm. 1 atortuutinneqassanngilaq sulisorisaq piffissaq suliffissaq tamakkerlugu angerlarsimaffimmi sulisassappat.

§ 29. Sulisitsisutut susassalittut illuatungiliuttup aamma sulisartut kattuffiata isumaqtigiissutigisinnaavaat piffissaq ullormoortumik qasuersaarfissaq sulisorisap angerlarsimaffimmi sulinerani saneqqunneqarsinnaassasoq.
Imm. 2. Imm. 1-im i malittarisassaaq atortuutinneqassanngilaq, sulisorisaq piffissaq suliffissaq tamakkerlugu angerlarsimaffimmi sulisassappat.
Imm. 3. § 21, § 23, imm. 1, § 24 aamma § 25 imm. 1 malillugu isumaqtigiissutinut aamma atuutissapput.

§ 30. Sulisitsisutut susassalittut illuatungiliuttup aamma akissarsisartut kattuffiata isumaqtigiissutigisinnaavaat sapaatit akunneranoortumik ulloq unnuarlu sulinngiffeqarfissaq sulisorisap angerlarsimaffimmi sulinerani kinguartinneqarsinnaalluniluunniit allamut inissinneqarsinnaassasoq.
Imm. 2. Imm. 1-im i malittarisassaaq atortuutinneqassanngilaq sulisorisaq piffissaq suliffissaq tamakkerlugu angerlarsimaffimmi sulisassappat.
Imm. 3. § 21, § 23, imm. 1, § 24 aamma § 25 imm. 1 malillugu isumaqtigiissutinut aamma atuutissapput.

§ 31. §§ 27-30 malillugit saneqqutsisoqartillugu taamatulli taarsiissutitut piffissanik qasuersarfeqartitsisoqarlunilu ullunik unnuanillu sulinngiffeqartitsisoqartassaaq. Pissutsit qaqtigooraluartumik tamanna ajornartissappassuk naleqquttumik illersuiniartoqartassaaq.
Imm. 2. § 27, imm. 1, nr. 1-imik saneqqutsinerni piffissap nal. akunnerinik 24-nik sivisussusillip ingerlanerani piffissat ullormoortumik qasuersaarfissat ataatsimut katillutik minnerpaamik nal. akunneri 11-iussappata taamatulli taarsiissutitut piffissanik qasuersarfeqartitsisoqassaaq imaluun-niit imm. 1 malillugu taamatulli naleqquttumik illersuiniartoqartassaaq.

Piginnaatitsissutit immikkullu akuersissuteqartarerit

§ 32. Sullivinnik Nakkutillisoqarfip pisortaata akuerisinhaavaa suleriaatsit nalunaarummut ilangussami pineqartut iluanni §§ 3-mik aamma 4-mik saneqqutsisoqartarsinnaasoq

- 1) sulianik ingerlatsinissaq suussusaal malillugu kinguartinneqarsinnaanngippat, imaluunniit
- 2) suleriaatsit immikkut ittut saneqqutsinissaq pisariaqartissappassuk.

Naammagittaalliorssinnaaneq

§ 33. Nalunaarut manna malillugu aalajangiinerit naammagittaalliuutaasinnaapput Kalaallit Nunaanni sullivinni avatangiisit pillugit inatsimmi § 64 malillugu.

Pinerluttulerinermik inatsisitigut pineqaatissiissutissat

§ 34. Kalaallit Nunaanni pinerluttulerinermik inatsit malillugu pineqaatissiinissaq eqqartuussutaassaaq kimulluunniit

- 1) §§ 3-5-imut, §§ 7-10-mut, §§ 12-16-imut akerliusumik suliaqartitsisumut imaluunniit taamatut suliaqarnernik siulersuisumut, nakkutillisuusumut imaluunniit ingerlataqartumut,
- 2) nalunaarummi aalajangersakkanik unioqqutitsineq pillugu peqqussutaasunik malinnginngitsumut.
Imm. 2. Pineqaatissiissutissamik sakkortuussusiliinermi sakkortusaatitut naatsorsuunneqassaaq
 - 1) unioqqutitsinerup piaaraluneernikkut imaluunniit mianersuaalliorujussuarnikkut pisimanera,
 - 2) unioqqutitsinikkut inuunermik peqqissutsimilluunniit ajoqsiisimaneq tamatuminngaluunniit aarlerinartorsiortitsisimaneq,
 - 3) pissutsit taakkuttaaq imaluunniit taakkununnga assingusut pillugit siusinnerusukkut peqqussute qartoqareersimanera Kalaallit Nunaanni sullivimmi avatangiisit pillugit inatsimmi § 60, imm. 1, imaluunniit 2, malillugu, imaluunniit
 - 4) unioqqutitsinikkut pineqartup imminut allanulluunniit aningasatigut iluanaarutississimanera tamatuminngaluunniit siunertaqarsimanera.
Imm. 3. §§ 3-5-imik, §§ 7-10-mik imaluunniit §§ 12-16-imik unioqqutitsinerni sulisitsisuuusoq akiliisussanngortitaasinnaavoq unioqqutitsineq sulisitsisumut piaaraluneernertut mianersuaalliornertulluunniit tuttsinniarneqarsinnaanngikkaluqaq. Akiliisussanngortitaanissamut patsisissaassaaq unioqqutitsinerup inummut inunnnulluunniit arlalinnut sullivimmut attuumassutilinnut imaluunniit sullivimmut taamatut illuni tuttsinniarneqarsinnaanissaa. Aalajangersagaq manna malillugu akiliisitsinissani Kalaallit Nunaanni pinerluttulerinermik inatsimmi § 91, imm. 4, atortuutinneqassanngilaq.
Imm. 4. Akiliisitsissutissat annertussusilernissaanni imm. 2, nr. 2-4, taamatulli atortuutinneqassapput.
Imm. 5. Unioqqutitsinerit, inunnit allat sinnerlugit ingerlatsisuuusunit, tamatumani aamma ingerlatsiviit aktie-, anparts-, aamma andelsselskabit, interessentskabit, peqatigiiffit, aningasaateqarfiiit, pigisanik isumannaarisartut, kommunit, kommunit kattuffiat, Kalaallit Nunaanni kommunalbestyrelsit nunaqarfinnilu aqutsisut il. il. pillugit Inatsisartut inatsisaanni § 64-imi pineqartut, Namminer-sornerullutik Oqartussat naalagaaffillu, pillugit ingerlatsivik il. il. taamaattutut akiliisussanngorti-taasinnaapput.

Atortuulersitsineq il. il.

§ 35. Nalunaarut atuutilissaq ulloq 1. februar 2006.

Imm. 2. Peqatigisaanik atorunnaassaaq piffissaq qasuersaarfissaq aamma ulloq unnuarlu sulinngiffeqarfissaq pillugit Kalaallit Nunaannut nalunaarut nr. 397, 24. juni 1986-imeersoq.

Sullivinnik Nakkutilliisoqarfik, ulloq 23. januar 2006

JENS JENSEN

/Charlotte Skjoldager

Ilanngussaq 1

Suleriaatsit § 3-mik imaluunniit § 4-mik saneqqutsiviusinnaasut

1) Suliaqarnerit sulisusup suliaqarfisaata najugaatalu akornanni ungasissutsitigut imaluunniit sulisusup suliaqarfisa assigiinngitsut akornanni ungasissutsitigut ilisarnaasikkat.

2) Pigaartuunerit, alaatsinaarisuunerit aamma ulloq unnuarlu sulisarnerit ajunngitsorsiassanik inunnillu illersuiniartariaqarnermik ilisarnaasikkat, s. ass. pigaartut, isaaffinnik nakkutilliisut imaluunniit pigaartut ingerlatseqatigiiffi pineqartillugit.

3) Suliaqarnerit, sullissinerit ataavartuunissaata imaluunniit tunisassiornerup ingerlaannarnissaata qularnaartariaqarneranik ilisarnaasikkat, s. ass. makku pineqartillugit

a) napparsimmavinni assigisaattulluunniit suliffeqarfinni unitussanan tigooraaneq, passussineq aamma/imaluunniit paaqqinninneq, ilanngullugit iliuutsit nakorsanit ilinniagaqartunit, ulloq unnuarlu inissiisarfinnit paaqqinnittarfinnillu kiisalu parnaarussivinnit ingerlanneqartut,

b) sulisorisat umiarsualivinni mittarfeqarfinniluunniit sulisorineqartut,

c) tusagassiuisarfiit, radio, fjernsyn, filmiliorfiit, allakkeriviit nalunaarasuaateqarfilla, ambulanceni sullissinerit, qatserisartoqarneq aamma inuinnarnik illersuiniarneq,

d) gassimik, imermik sarfamillu pilersuinerit, eqqaavileriffit ikualaasarfeqarfilla,

e) suliffissuit, suleriaasii teknikkimut tunngasut pissutigalugit imaaliiinnaq kipitinneqarsinnaanngitsut,

f) ilisimatusarnerit ineriertortitsinerillu,

g) nunalerineq, orpippassualerineq, naatitsiviuteqarneq, aallaaniarneq piniarnerlu,

h) sulisut, illoqarfinni ilaasunik uteqattaartumik angallassinernik suliallit.

4) Suliaqarnerit, siumut ilimageriikanik saniatigut suliaqarfilersartut, s.ass.

a) nunalerinerup, orpippassualerinerup, naatitsiviuteqarnerup. aallaaniarnerup piniarnerullu iluanni,

b) takornariartitsinermik inuussutissarsiutini,

c) allakkeriveqarnermi,

5) Suliaqarnerit, ullup ingerlanerani piffissanik sivikinnerusunik arlaliusunik suliaqarfiusartut, s.ass.
eqqiaanernik.

6) Atortussiassanik piiaanerni suliaqarnerit.

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut